

續山東考古錄

續山東考古錄卷之四

滄州葉圭綬子佩



東昌府上

聊城縣

周齊聊邑

春秋昭公二十年左傳晏子曰聊攝以東杜注齊西界也按  
卽漢聊城縣

寰宇記聊城有微子城按微在須昌已不足據

詳東平州

聊城那

得又有微城府志云魏志聊城有畔城蓋惑於聊城有微子  
城又誤以殷之畔城當之按後魏時此城未必名微子城畔

城未必指爲殷城考微湄字古通用

東平之微城卽魯郡邑水經注曰湄溝上承湄

湖爾雅水草交曰湄通谷者微郭景純曰微水邊通谷其證也

據縣志圖微城所在正古聶

城聶城臨黃溝今亦稱湄河湄通於微因以名聶城正未可

知若畔城未知與微城爲一城否

或曰以臨水畔名畔城後人附會於微子城

後漢志聊城有夷儀聚劉昭注左傳僖元年邢遷於夷儀按

寰宇記巨儀城在邢州龍岡縣西百四十里此爲建武初聊

城令范升所保劉氏誤 寰宇記聊城有重邱與水經注不

符備考

詳陵縣一統志謂在荏平西南二十五里不知所據府志又據寰宇記廩邱爲重邱之誤說以駁此愈

穆春秋襄二十五年夏五月諸侯會於夷儀秋八月同盟於重邱此重邱未必非因夷儀附會者

一統志

聊城有古賴城在縣西齊境上邑按賴邑在漢管縣

詳章邱此

誤 通典聊城有臺城誤以僑縣爲實土也

詳歷城

漢兗州東郡聊城縣及陽平縣地後漢因之魏太和元年聊城爲縣王國正始五年復故

王茂徙樂陵

聊城縣故城在西北十五里今聊古廟括地志稱在縣西四

十里據唐縣

卽後魏縣

言通鑑胡注引作二十里似誤

晉冀州平原國聊城縣又司州陽平郡陽平縣地

補十六國志後燕平原郡有聊城濮陽郡又重出聊城

後魏濟州平原郡治聊城縣又西聊縣太常七年於聊城縣東四十里築城置平原鎮太和二十三年罷鎮移平原郡來治並移聊城縣治此孝昌中於故城析置西聊縣武泰初於郡置南

冀州永安中罷又司州陽平郡陽平縣地齊周因之

後魏聊城縣故城在東北二十許里又名王城魏志聊城下有王城郡縣治有畔城水經注黃溝逕王城北魏太常七年安平王鎮平原所築世謂之王城太和二十三年罷鎮立平原郡治此也寰宇記德州下後魏移平原郡理今聊城界畔城誤矣

通典博州宋分置魏郡後魏因之按劉宋之魏郡係僞置於青州濟南郡者非博州地寰宇記紀要皆沿其誤

隋志聊城舊置南冀州未幾州廢按州廢於魏永安中通典以爲隋初廢誤西聊之省當在高齊時

隋魏

州武陽郡

聊城縣武水縣開皇十六年於聊城置博州又析清

邑置武水縣大業初州廢

武水縣故城在西南四十里今沙鎮通典武水漢陽平縣地  
隋改今縣按漢陽平治今莘縣武水乃分置非改置

唐河北道博

州平郡

治聊城縣又武水縣武德四年復於聊城置

博州貞觀元年省茌平入聊城

武德四年置見茌平

天寶元年改州爲博

平郡五代梁唐晉漢因之周顯德二年省武水縣入聊城爲鎮

後晉聊城縣故城在東南十五里又名巢陵城永樂舊志晉

開運二年河決博州城圯徙州治西南十五里曰堞陵於此

立州按西南者王城西南也縣并徙

寰宇記周廣順二年河水衝沒武水縣顯德二年割屬聊城  
按割屬當云省入九域志聊城有沙冢鎮卽故武水

宋河北東路博

平郡

防禦治聊城縣

宋聊城縣卽今治宋志淳化二年河決移聊城縣於孝武渡  
西接渡或作陵

金山東西路東平府博州防禦治聊城縣僞齊劉豫析置茌平  
元都省山東東昌路總管府治聊城縣至元四年置博州路十  
三年改

明山東布政司東昌府治聊城縣

附

洪武初置平山衛

國朝因之

縣志

康熙二年修  
知縣何

沿革南朝及宋仍隸東郡

北齊改屬

濟州並誤

堂邑縣

周齊清邑

春秋成公十七年左傳齊侯使國勝告難於晉待命於清杜

注清陽平樂平

今本脫  
平字

縣按清在河東當爲齊地

路史黃

帝之子封於清是爲清陽

漢兗州東郡清縣發千縣

清縣故城在東南二十許里元和志樂平故城本漢清縣在

堂邑縣東三十里按寰宇記作東南今治在唐縣東十里當

續山東考古錄

卷之四

堂邑縣

四

蝸角尖廬



在今治東南二十許里

發干縣故城在西南三十許里括地志發干故城在堂邑西南二十三里按當去今治三十許里紀要作五十里未詳何據

元和志堂邑故城在堂邑縣西北二十七里高帝五年陳嬰爲堂邑侯嬰孫午繼封尙館陶公主按此城當在今治西北三十餘里漢志臨淮郡有堂邑縣此城密邇館陶當爲陳氏封邑蓋鄉亭名未詳何縣地通典以此爲漢舊縣舊唐志堂邑下漢縣後魏廢隋復置並誤

後漢兗州東郡樂平縣發干縣章帝建初中改清爲樂平建安

十七年發干屬魏郡

見三國魏志太祖紀

魏二縣屬陽平郡

補三國志引沈志云魏立樂平非後漢東郡故縣地按沈志

樂平

此宋僑置者詳寧陽

下云魏立屬陽平郡後漢東郡有樂平非也

考魏立陽平郡發干東武陽陽平樂平皆漢東郡屬沈氏不明北方地理意謂此魏陽平郡之樂平非漢東郡之樂平不知實一縣也地形志樂平下云二漢屬東郡晉屬陽平治樂平城不云有樂平城是後魏猶仍漢舊沈氏誤矣

晉司州陽平郡樂平縣發干縣後魏因之高齊省樂平入陽平又改爲樂平省發干入清淵周因之

元和志樂平故城下引後趙錄曰東海王使征東將軍苟晞

擊汲桑石勒與晞相持戰於平原陽平間爲晞所敗桑奔馬  
牧勒奔樂平按通鑑胡注晉志陽平郡有樂平縣但石勒欲  
奔漢劉淵都平陽則非此樂平又并州有樂平郡武帝太和中置  
唐之遼州也勒奔於此考是時勒已退保清淵走赤橋今臨清州  
西北往奔平陽不能返東南趨樂平縣下文載石勒招烏桓張  
伏利度於樂平郡事胡說是

補十六國志後趙陽平縣下引寰宇記永嘉後并樂平按此

本魏志洪氏誤記

一統志發干南燕僑置幽州誤

詳蘭山縣

魏志發干有發干城未詳徙治何所

隋志莘縣下舊曰陽平後齊改曰樂平蓋齊省樂平入陽平  
又改陽平爲樂平也又清泉水下後齊廢于童縣入焉按此廢  
發于入清淵其時清淵治在今冠縣清水堡也一統志發于  
後齊省傳寫訛耳

隋魏州  
武陽縣

堂邑縣開皇六年置又於樂平故城置陽平縣八年

改爲清邑十六年改爲莘亭大業二年省入莘縣

堂邑縣故城在西十里今千戶營元和志堂邑縣東至博州  
六十里按州謂王城寰宇記同則誤蓋其時州已西徙也九  
域志作四十里則是其時縣未東徙也

唐河北道博

平郡

州堂邑縣武德五年屬毛州貞觀元年屬五代

梁唐因之晉改河清縣漢復舊周因之

寰宇記晉改堂邑爲清河縣續通考周改河清縣按晉避高祖嫌名故改周改非清河貝州屬當改爲河清清河非

宋河北東路博

平郡州堂邑縣

朱堂邑縣卽今治熙寧初徙故治圮於水也

金山東西路博州堂邑縣

元都省山東東昌路堂邑縣

明山東布政司東昌府堂邑縣

國朝因之

縣志

康熙四十九年修  
知縣盧承琰

沿革兩漢迄北齊並置二縣至隋

乃併爲一縣改名堂邑按二縣皆齊省

脫北周

後魏兗州

東陽平郡又有樂平館陶既屬司州又屬兗州如今東昌府既屬東兗道又屬濟東道之例按竟不知屬兗者爲僑縣以今例古陋矣 五代悉如唐舊誤 古蹟以發干爲樂平以樂平爲發干

博平縣

周齊攝邑博陵邑博望邑

攝邑故城在西南三十許里又名郭城杜預曰聊城縣東北有攝城水經注黃溝逕攝城北俗稱郭城非也城東西三里南北二里東南隅有金城

大城中小城曰金城聊城昌邑皆有之

城卑下墟郭

尙存京相璠曰聊城縣東北三十里有故攝城今此去聊城

二十五六里許元和志故攝城在博平西南二十里寰宇記作二十

五按今治在唐縣東南三十里攝城當在西南三十許里寰

宇記聊城有郭城隋圖經云卽亡國郭氏之墟因俗名附會

者水經注黃溝又名郭水也

魏志有畔城而無攝城疑攝城郭城畔城微城四名實一城耳

史記田敬仲世家威王六年晉伐我至博陵一作徐廣曰東

郡之博平也通典博平齊之博陵邑也紀要博平亦謂之博

闕戰國策曰趙涉河漳博闕張儀說齊曰悉趙兵渡清河指

北闕皆謂此也

又宣王三年三晉之王皆因田嬰朝齊王於博望按漢志南

陽郡有博望縣括地志所謂在鄧州向城縣東南四十五里者而魏志博平有博望城漢張騫許廣漢弟舜皆封博望侯廣漢封於平恩疑舜封邑在此蓋齊之博望也故址未詳

漢兗州東郡博平縣及聊城縣地

攝本屬聊

冀州清河郡靈縣地

詳下

後漢魏因之

博平縣故城在西北三十里元和志寰宇記並以縣爲漢縣別無故城惟通典稱漢城在今縣東界後漢書注同再考

晉冀州平原國博平縣及聊城縣地清河國靈縣地

後魏濟州平原郡博平縣及聊城縣地南清河郡靈縣地齊省靈縣入博平周因之



隋貝州

博平縣大業二年省靈縣入博平

開皇六年復又魏置詳高唐州

武陽郡聊城縣地

唐河北道

博平郡

博平縣武德四年省靈縣

一作靈泉

入博平

二年復置

今故城隸高唐州

貞觀十七年省博平入聊城天授二年復五代因之

宋河北東路博平

州郡

博平縣熙寧二年割明靈砦隸清平

宋博平縣卽今治景祐中徙本寬河鎮以故治爲博平鎮

金山東西路博州博平縣

元都省山東東昌府博平縣

明山東布政司東昌府博平縣

國朝因之

縣志

道光十一年修  
知縣楊祖憲

天文志後有歲運譜周襄王八年晉

公子重耳自翟適齊築臺博陵以望故國以此博陵號晉臺按水經注博平城內有層臺秀上不知何緣知爲晉文築敬王三十年載孔子自衛適晉至河而返事則因鳴犢河而附會者山川志不知後魏東魏郡之博平在今章邱而以地形志載長白山爲錯訛

### 茌平縣

漢兗州東郡茌平縣青州平原郡楊虛縣

茌平縣故城在西南五十許里又名碣城元和志茌平故城在聊城東五十三里按當作東南寔字記博州東南至舊

濟州五十三里可證紀要稱在今治西二十里荏山下云秦縣治此謬甚

楊虛縣故城在

里又名陽城

漢志平原郡樓虛縣卽楊虛之訛胡三省

云漢無此縣非也

水經注河水逕楊虛城在後魏荏平縣前當在今

縣東魏志荏平有陽城是也而商河所出注文明言在高唐

故城西南又當在縣東北魏志祝阿有陽城是也兩說旣截

然兩地魏志又兩縣皆有所未詳矣一統志謂卽縣南二十

里之土城據河水所逕也然今治非後魏荏平况河逕楊虛

城在四瀆津之後四瀆津在長清西南六十里楊虛城似不

能在今治南也禹貢雖指圖據後說俟考

紀要係平原縣謬

後漢兖州濟北國茌平縣魏因之

晉冀州平原國茌平縣晉末徙治河北劉宋於此置碯礮城

元和志漢茌平城西臨黃河晉末爲河水所毀移理河北博

州界

晉無博州據唐時言之

按所徙未詳疑徙於石勒布鼓城卽後魏

治所也紀要稱徙於今治西三十里無據

水經注河水逕碯礮城西宋元嘉二十七年以王元謨爲寧朔將軍前鋒軍碯礮守之都督劉義恭以沙城不堪守召元謨令毀城而遷後更城之魏立濟州治此也按宋但爲戍所河北非宋有此城未詳屬何縣或曰已屬盧縣理或然也

後魏濟州治濟北郡治盧縣

郡治縣之盧子城今隸東阿縣

泰常八年置濟州

於茌平故城并置盧縣

舊盧縣後魏屬濟州太原郡此析置非移治也

又平原郡茌平

縣高齊省茌平縣周因之

魏志濟州治碣磈城水經注魏立濟州故茌平縣也東與聊

城分河按隋唐盧縣卽漢茌平城何代所置古無明文魏志

茌平有茌平城似其時非盧縣治其盧縣下云有柳舒城盧

子城皆今東阿北境地蓋茌平故城今在縣南東阿北盧卽

治此明矣後魏茌平治鼓城而盧縣下云有鼓城蓋皆沿舊

文書之否則指晉茌平城晉末所徙未必卽鼓城則漢城外

尙有一茌平城也 紀要茌平縣大河故瀆在縣西按竟似

今治卽漢治者已誤又引水經注云河水東北過茌平縣西

又東爲鄆里渠又東北逕昌鄉亭北又東逕碯礮城西碯礮城舊志謂卽荏平城誤按過荏平縣西是至其境逕碯礮城是至其城道元明言濟州爲故荏平縣元和志盧縣下亦云濟州治碯礮城卽秦東郡之荏平縣顧氏以爲舊志之誤豈未全覽注文耶

後魏荏平縣故城在東 里一日時平城一日鼓城一日

布鼓城一日博固城水經注河水又逕荏平城東城內有故

臺世謂之時平城蓋荏時音相近耳疑縣徙也竟陵本無此四字道元知

碯礮城爲荏平城豈不知荏平已徙治乎四字似非原本按道元不稱此爲故城卽後魏

縣治矣魏志荏平治鼓城寰宇記聊城縣博固城隋圖經云

或謂之布鼓城卽石勒時築在大河之曲當在縣東長清西  
大河折而北流處紀要引作聊河之曲謂在聊城東北二十  
五里通志謂卽唐博州城皆甚謬或以爲卽戰國策齊必效  
鼓之鼓邑不知是否長清志稱在其縣西卽此城也

隋濟州盧縣開皇六年置濟北縣大業初省入盧縣又貝州清河

郡荏平縣開皇初復置隋末廢

濟北縣治未詳長清有濟北縣故城荏平是否魏治亦無據  
乃時平所改非此

唐河南道鄆州盧縣博平郡聊城縣地盧本濟州治武德四

年析聊城置荏平縣屬博州貞觀元年省入聊城天寶元年改

濟州爲濟陽郡十三載城沒於河廢郡縣來屬五代因之宋省

新唐志盧本濟州武德四年析東平郡置隋曰濟北郡按隋  
濟北郡並未并入東平蓋武德四年改濟北郡爲濟州耳此  
誤 舊唐志盧縣天寶元年改爲河齊字陽郡乾元元年復

爲濟州十三載六月一日廢濟州按乾元在天寶後天寶十  
三載已廢郡那得又改爲州蓋他郡改州皆在乾元元年一  
例書之耳乾元以下八字當削去廢濟州當作廢濟陽郡

寰宇記濟州唐大厯中復置唐末廢新舊唐志皆不載亦未  
詳仍舊治否 通典盧縣有長城寰宇記盧縣盧醫云云按  
此皆混入漢盧縣記又云盧縣在州西北二十里按二十上  
脫一百二字



齊乘茌平縣唐武德初以聊城之興利鎮置按九域志聊城有興利鎮似省縣後名興利鎮耳亦未詳于氏所本

太平寰宇記有盧縣元豐九域志無是宋省盧縣在太平興國後元豐前也九域志陽穀有碣礮津路史陽穀有盧城是宋時故城入陽穀而東阿平陰當各有分地

金山東西路博州茌平縣僞齊劉豫析聊城置

金茌平縣卽今治俗以爲唐冀邱縣治無據

元都省山東東昌路茌平縣

明山東布政司東昌府茌平縣

國朝因之

縣自秦漢以來治凡屢徙秦漢治接東阿陽穀後魏治接長清今果在縣境與否並無的據晉隋治是否

仍後魏舊亦無可考唐治興利于說未知何憑金治冀邱俗傳更無高論此外惟揚虛一城水經注已自互異沿革之難稽古蹟之俱盡百五州縣中荏平居首矣姑據往籍備述於篇以俟來者

縣志

康熙庚寅年修知縣王世臣

沿革晉入聊城爲興利鎮謬極南

北朝無魏 古蹟樂平古壘在南二十里此卽縣南土城

因馬牧而附會者

清平縣

漢冀州清河郡厝縣地靈縣地

明靈砦本靈地西境當有貝邱縣地

厝縣故城在直隸廣平府清河縣東南三十五里

後漢冀州甘陵國

本清河桓帝改

甘陵縣地

本厝安帝改

靈縣地魏冀州清

河郡

復前漢名

甘陵縣地靈縣地晉冀州清河郡清河縣地靈縣地

續山東考古錄

卷之四

清平縣

三

蝸角尖廬

後趙石勒置平晉縣爲清河郡治

補三國志魏清河郡首清河縣按晉始置清河縣此誤

詳後

平晉縣故城在西北四十里今水城屯續通典石趙初置平晉縣爲清河郡治補十六國志後趙清河縣有平晉城而後燕反書平晉縣甚誤

後魏司州清河郡治清河縣地濟州南清河郡靈縣地

高齊洛州清河郡貝邱縣地

齊省貝邱入清河又改清河爲貝邱周因之

周屬貝州

隋貝州

清河郡清平縣及博平縣地

靈縣省入博平

開皇六年於平晉城置

貝邱縣

改高齊之貝邱爲清陽

十六年改貝邱爲清平縣隋亂廢

寰宇記貝邱下永嘉亂石趙移郡理晉城卽博州清平縣也

按晉城卽平晉城補十六國志引有平字禹貢錐指稱平晉城未詳其

處偶未考及耳

唐河北道博

平郡

清平縣武德四年復又博平縣地五代周屬

大名府

宋河北東路大名府魏郡清平縣

宋清平縣卽今治宋志熙寧二年又割博平明靈砦隸焉本

縣移治明靈按續通典以爲元豐中河決移治

金大名路大名府清平縣

元直隸都省山東德州清平縣

明山東布政司東昌府清平縣洪武元年屬恩州二年屬高唐

州三年省尋復置來屬

國朝因之

厝縣甘陵清河清河郡清河國清河侯邑改名徙治諸書糾紛錯互幾欲目迷府志清平墟郭備載諸城既多非縣境所有辨證或欠明哲茲據諸書考訂附此

水經注大河故

瀆

自發干縣

又東逕貝邱縣故城南又東逕甘陵縣故城南

注地

理志之所謂厝也漢安帝父孝德皇以太子被廢爲王薨於此乃葬其地尊陵曰甘陵桓帝建和元年改曰甘陵縣亦取名焉

改縣是安帝

是周之甘泉市地也陵在瀆北河瀆又東逕艾

亭城南又東北逕平晉城南又東北逕靈縣故城南按平晉

城在今治西四十里又十里卽出縣境又亭城至平晉城無

里數縱在縣境又西二十里爲厝城不在縣境明矣一統志

稱在縣南非是

經

屯氏別河枝津東逕信成城南

甘陵城西北五十里

又東逕清陽縣故城南清河郡北

注

魏自清陽徙治也

此曹魏府

志兩引一作元魏誤

按漢清河郡治清陽縣桓帝改清河國爲甘陵仍

治清陽故城

後漢清陽省入厝郡治未移

曹魏始南徙改甘陵爲清河郡

無倚郭縣故稱清河郡

經

屯氏別瀆又東北逕清河郡南又

東北逕清河故城西

注

漢高六年封王吸爲侯國地理風俗

記曰甘陵郡東南十七里有清河故城世謂之鵲城也按此

清河郡卽曹魏郡在甘陵縣北非卽甘陵縣故經曰郡不曰

縣此清河城乃漢之鄉亭侯城班志清河郡無清河縣故經曰城不曰縣又考史記表作清陽侯王吸與班表異或吸封本清陽別築城爲侯邑班表誤作清河總之非清陽縣城亦非厝縣城則甚明或因鵠城之名與厝城混爲一非是

經屯

氏河

自信鄉南

又東逕甘陵縣故城北按屯氏河在別河之南甘

陵縣卽厝縣城在其南鵠城在其北此非一城明證

經

深水

目聊城北

又東北逕清河縣故城北

注

地里風俗記曰甘陵故清

河清河在東南一十七里今於甘陵東南無城以擬之直東二十里有艾亭城東南四十里有此城疑卽清河城也後蠻居之故世稱蠻城

經

又東北逕文鄉城東南又東北逕博平

縣故城南注黃溝承聊城郭水東北逕清河城南又東南逕

攝城北按注此處最茫昧尋繹久之知誤引應記也潔在河

澗南河澗北爲厓城厓城北爲屯氏河屯氏河北爲清河侯

城城北爲別河別河北爲魏清河郡城城北爲別枝津津北

爲清陽縣城卽甘陵郡城應氏所謂甘陵故清河者指清陽

縣城所謂東南十七里之清河城指鵲城道元於屯氏別河

已引此條此忽於潔南求之潔未嘗絕大河故澗屯氏河而

北流烏能逕鵲城之北哉府志稱潔所逕清河縣城當是郡城比原注又多隔屯別及津津二

水愈謬其引此注亦多建和二年改曰甘陵縣亦取名焉十三字河澗自甘陵縣南又東逕

艾亭城非甘陵郡東有艾亭城也旣誤以清河縣城爲清河



侯城又誤以甘陵縣東南作甘陵郡東南里數不符尤其顯

者雖然漯水自此城北又東北歷文鄉城卽至博平故城南

而黃溝逕此城在聊城後攝城前是此城當在古聊攝二城

之間攝西北  
聊東北固非漢清河侯城亦非厓城西南七里之晉清

河縣城道元時已不可考卽果爲蠻城抑誰代之縣哉意者

石勒清河郡治平晉縣此其清河縣歟如經文係晉以前人  
作則此愈不可解矣

括地志清陽故城在清河東北八里按此晉清河縣東北

之厓城與寰宇記晉於厓城西南七里置清河縣對看自明

隋清陽縣卽此城此誤以爲漢清陽縣城後漢書章懷注

甘陵故城在清河縣西北按此誤以漢信成縣城爲甘陵城

蓋高齊清河郡治此城

其時無信成縣移武城縣於其城

漢甘陵郡本清河

郡遂致此誤

通典清平下漢清陽縣按隋清陽治厓城清

平本厓地遂致此誤又清陽下漢貝邱縣按高齊貝邱治厓

城隋改清陽遂致此誤

元和志清河縣本漢信成縣地後

漢省信成縣置清河縣至隋不改按唐清河縣本信成地而

後漢並無清河縣晉清河縣在厓城西南七里後魏移故厓

城隋移於信成城東南謂至隋不改可乎 寰宇記清河縣

秦厓縣漢爲信成縣後漢桓帝改爲甘陵縣在今縣西北續

漢書州郡志省信成縣屬清河郡按郡國記云隋清陽城內

有漢清河王慶陵在今郡東南三十五里故厓城是也後漢

安帝改爲甘陵仍爲甘陵國治後國除復爲郡晉省於厝城  
西南七里置清河縣魏又爲清河縣并清河郡於故厝城中  
高齊天保七年又移清河縣於古信城隋開皇六年又移清  
河縣於州城貝州城卽今縣理也按厝與信成前漢並置非改  
厝爲信成安帝改厝爲甘陵非改信成爲甘陵在唐宋清河  
縣西北者乃信成非厝縣與下文在今郡東南云云不自牙  
厝耶安帝改縣桓帝改郡乃謂安桓皆改縣不自牴牾耶高  
齊移者乃清河郡非縣其時移武城縣於彼隋還武城於故  
城始置清河縣於新貝州城中 又清陽縣漢時又爲貝邱  
縣古清陽之地在今縣東南後漢省入甘陵當云省入厝縣  
蓋省縣時厝猶

未改名西晉省於此清河縣理置清陽縣復漢名至唐永昌  
甘陵也

元年西移於永濟渠東孔橋置開元二十二年又移於今理

按隋清陽縣卽漢厝縣城西晉省以下十四字定有脫文當

作西晉省甘陵縣於其西南七里置清河縣後魏移治故甘

陵城卽厝高齊改貝邱隋改清陽方無挂漏又云古清陽縣城

在縣東南三十五里唐開元二十二年後清陽清河同爲貝州倚郭漢桓帝改爲甘

陵郡後魏孝昌三年葛榮賊亂以城內有甘陵高大因據陵

爲堡賊平遂置清陽按城中有甘陵乃厝城非清陽城前清

河縣下以爲隋清陽最當此又以爲古清陽甘陵郡城何耶

後魏此城乃清河縣並未改置清陽又云故清河郡城在縣

東南二十五里高祖封王吸爲侯食邑於此景帝三年封王子乘爲清河王改爲清河國並在此城桓帝改爲甘陵郡至高齊天保七年移縣於漢信成置今州西北故貝邱城是也按此方是漢清陽縣城清河郡城然與清河侯城混爲一高齊自漢厝城後魏清河郡縣城移清河郡於古信成城非自此城移縣也此城自曹魏移郡後已廢矣又云故厝城在縣東南三十里漢安帝改爲甘陵土人號曰鵲城按此卽上文所謂古清陽城乃分爲二與鵲城又混爲一又云甘陵在縣城內按此竟似甘陵在唐宋清陽城內矣 以上諸書紛如亂絲今旣理其糾紛差能得其端緒試統計諸城而以水道

爲之限觀者庶易明了乎漢清陽縣城清河郡城清河國城  
甘陵國城甘陵郡城五名一城在直隸清河縣東南二十五  
里又在屯氏別河枝津之北魏清河郡城一名一城在別河  
枝津之南別河之北漢清河侯城鵲城二名一城在漢甘陵  
郡城東南十七里又在別河之南屯氏河之北漢厓縣城後  
漢甘陵縣城後魏清河縣城郡城高齊貝邱縣城隋及唐初  
清陽縣城六名一城在直隸清河縣東南三十五里晉清河  
縣城一名一城在漢厓城西南七里漢貝邱縣城在石趙臨  
清縣東南五十里後魏貝邱縣城在漢貝邱城東北十里石  
趙平晉縣城清河郡城隋初貝邱縣城改清平縣城水城在

今清平西四十里三城五名以上凡五城九名在屯氏河之南大河故瀆之北蠻城不知何代清河縣城二名一城在河瀆及漯瀆之南黃溝之北通共九城十五名

惟艾亭城非郡縣治故不計

共間水六道自漢清陽縣城南至蠻城約七八十里乃府志

以蠻城爲清陽縣城則是聊城東北之黃溝北流絕五水至

今直隸清河境又折而南流絕五水而入漯也繆己極矣

賈

雖指屯氏諸河圖此九城祇載一漢貝邱城蓋亦未能了然故概從畧耳

寰宇記又云高齊自

平晉城移清河郡於故信城然則自石趙歷後魏郡皆治平晉城矣與清河下後魏并郡於厓城之語又自兩歧鄙氏不言平晉城爲當時郡治樂氏似誤

縣志

嘉慶三年修

知縣萬承紹



續山東考古錄卷之五

滄州葉圭綬子佩甫述

東昌府下

莘縣

周齊莘邑

莘亭在北八里春秋桓公十六年左傳衛宣公使急子於齊使盜待諸莘將殺之杜注莘衛邑陽平縣西北有莘亭水經

注灑水逕陽平城東又北絕莘道

句

城之西北有莘亭京相

璠曰今陽平縣北一十里有故莘亭道阨限蹊自衛適齊之道也按絕莘道句絕城屬下句指陽平城或讀作莘道城道

可絕城可絕耶澗水自陽平城東東北絕莘道而莘亭自在西北蓋澗在莘亭東也或讀作逕莘亭城之西北愈謬

漢兖州東郡陽平縣東武陽縣後漢末東武陽爲東郡治又築

新城詳朝徙郡縣治之魏陽平縣屬冀州陽平郡黃初七年爲

縣王國太和六年復故

王莽進封北海

陽平縣卽今縣治水經注澗水自武陽新城東北逕東武陽縣故

城南今城四周紹字疑誤或行圍郭尙存水而隍塹於城東北合

爲一瀆東北出郭逕陽平縣之岡城西逕陽平故城東按舊

說以縣南七里之斗城爲漢陽平城與澗逕岡城西卽逕陽

平城東說合岡城在縣東南七里但北去莘亭十五里以古里計之幾

二十里與十里之數太不符今治在莘亭南八里得古十里與潔先逕岡城後逕陽平城亦無不合

東武陽縣故城在東南十里又名頓成通志以故城爲新城

而別出頓城謬矣

後漢書劉植傳注東武陽故城在今魏州華陽縣南按華莘字之訛又衍陽字也

據水經注武陽縣新城魏武守郡所治故城臧洪爲東郡所治蓋袁紹破洪幾無子遺城亦頽廢故徙治也補三國志陽平有頓城是謂縣已徙新城也而東武陽下又有新城誤

後漢書章懷注曹操爲東郡太守治東武陽故城在今魏州莘縣按曹操所治在新城

晉司州陽平郡陽平縣永嘉後併棗平後魏太和二十一年復

魏志陽平有陽平城所徙當卽斗城

高齊洛州陽平郡樂平縣齊省樂平入陽平又改陽平爲樂平  
宇文周毛州武陽郡治樂平縣建德七年置郡

寰宇記周武陽郡城在莘縣南卽斗城矣蓋於魏縣置郡

隋魏州武陽郡莘縣開皇初廢武陽郡十六年於縣置莘州大業二

年州廢改樂平爲莘縣省莘亭縣入之詳堂來屬

隋志莘舊曰陽平後齊改曰樂平後周置武陽郡開皇六年  
復曰陽平八年改爲清邑十六年置莘州大業初州廢改縣  
名莘又廢莘亭縣入焉按據此似隋初陽平卽周樂平而莘  
亭縣何代置在何地耶元和志莘縣隋開皇六年又於樂平

故城置陽平縣屬魏州八年改陽平爲清邑大業二年改爲  
莘縣按據此又似莘縣卽樂平故城矣而何時移陽平城耶  
寰宇記莘縣漢陽平縣開皇八年改陽平爲清邑十六年於  
縣置莘州故樂平縣爲莘亭縣大業二年廢莘州其年改清  
邑爲莘縣按據此又似清邑之改卽漢陽平矣考齊已改陽  
平爲樂平則隋於漢樂平城置陽平縣元和志爲允八年改  
清邑十六年改莘亭乃改於樂平城所置之陽平而此縣之  
名樂平如故則寰宇記故樂平縣爲莘亭爲允大業二年莘  
州廢以州名爲縣名遂改樂平爲莘縣而省莘亭入之又以  
隋志州廢改縣名莘又廢莘亭縣入焉爲允合三書之錯互

而會通之然後得其沿革之實但據一書鮮不誤矣一統志紀要以莘亭縣爲古莘亭固繆府志引元和志寰宇記云隋開皇六年又於樂平故城置莘亭縣元和志無此文寰宇記在十六年與隋志合不在六年亦未會通其說耳

唐河北道魏

州郡

莘縣武德五年復置莘州貞觀元年州廢來屬

五代因之

通典莘縣下漢東武陽故城在今縣南又有陽平縣隋新置莘州按玩此文義似隋縣與州非唐縣也寰宇記引郡國志

云頓城在縣東南十里與今同似隋猶仍後魏之舊唐復還

漢治也

元和志莘亭在北十三里疑古城較大故差二里若至斗城則少四里似唐還今治矣

舊唐志

隋置新州武德五年改爲莘州按此誤看通典新置莘州語  
通鑑五代梁乾化元年二月晉將周德威自臨清攻貝州拔  
夏津高唐攻博州拔東武朝城胡注漢東郡東武陽縣後魏  
曰武陽唐開元七年更名朝城管地猶有地名東武按旣云  
朝城又云東武明是兩地如屬朝城何須別書况唐朝城卽  
武陽新城而故城又不隸朝城胡氏似曲爲之說是年十月  
貝州又奏晉寇東武又似貝州東武城者存疑俟考

宋河北東路大名府魏郡莘縣

金大名路大名府莘縣

元都省山東東昌路莘縣

明山東布政司東昌府莘縣

國朝因之

縣志

康熙壬子年修  
知縣劉維

沿革周爲武陽郡莘亭縣

隋爲陽

平改清邑

唐爲莘亭縣武德四年改莘縣三條並誤

莘州貞觀四年改又云莘亭俱廢復置縣按改者言改莘

縣爲州也唐於縣置州非改州爲縣俱廢者言州與莘亭

縣俱廢復置者復置莘縣也蓋誤以唐之州爲今散州故

前云改縣爲州後云改州爲縣表則州縣同列謬極

冠縣

周晉黃邑



黃邑故城在南里今黃城村史記田敬仲世家齊宣公四  
十三年伐晉毀黃城圍陽狐括地志黃城在冠縣南十里陽  
狐城在元城縣東北三十里按縣與元城接齊所毀卽此黃  
城矣寰宇記引郡國志云俗名黃壘紀要誤以爲漢山陽郡  
黃縣

漢後漢魏晉館陶縣地清淵縣地

後魏司州陽平郡清淵縣及館陶縣地齊省發干入清淵周因  
之

後魏清淵縣故城在東北四十里今清水鎮魏志清淵有清  
淵城則已徙治齊省發干入之唐省入冠氏後魏治卽清水

鎮無疑

隋魏

州武陽郡

冠氏縣開皇六年析館陶縣置屬毛州大業二年來

屬又

貝州清河郡

清淵縣大業二年省貝邱入清淵

紀要以隋冠氏爲古冠氏邑云在今縣北金徙今治又引杜預說冠氏卽館陶也隋因置冠氏縣其於館陶故城反不引杜說蓋不知漢館陶縣城卽古冠氏城故以此爲古冠氏考元和志王莽河北去縣十八里今縣北有汰黃隄卽大河故濱南有黃城里數相符似隋縣卽今治金人移治並無明據縣北又無遺址顧說殊不足憑俟再考

唐河北道魏

州郡

冠氏縣武德五年與清水縣

卽清淵避高祖名改

並屬毛

州貞觀元年省清水入冠氏爲鎮來屬五代因之

新舊唐志武德五年以臨清清水等縣置毛州紀要清水堡  
下云志稱唐初置清水縣唐志不載清水縣也按志稱唐初  
置固稍誤顧氏失考甚矣 九域志冠氏有清水鎮

宋河北東路大名府魏郡冠氏縣

金大名路大名府冠氏縣

元直隸都省山東冠州初屬東昌路至元二年升冠氏縣爲冠  
州

明山東布政司東昌府冠縣洪武三年降州爲縣來屬

國朝因之

縣西北一百里徧河北有固獻鎮  
疑亦古縣治也附識於此備考

縣志

道光十年修  
知縣梁永康

沿革隋以前但書清淵不合又云隋析

清泉置冠氏考元和志隋析館陶置冠氏非析清淵隋志

淵作泉乃唐避諱隋縣未改名又唐省清泉並誤 古蹟

誤以喬亭城爲古冠氏又誤以爲隋縣

館陶縣

續通典城西北七里有陶邱亦曰陶山趙置館其側  
漢因以名縣按陶卽今審字廢窰皆可名陶邱或以

爲濟所出謬矣陶當讀

若堯今作桃音非也

周晉冠氏邑後析入趙

春秋哀公十五年左傳子貢曰昔晉人伐衛齊爲衛故伐晉

冠氏杜注在定九年冠氏陽平館陶縣

附卜夫子故里考縣  
西南七十里有西河

寨河上村有卜夫子祠卜氏聚族居焉祠無碑碣劍始莫考  
今按家語史記徐廣注皆稱子夏爲衛人獨禮記鄭疏以爲

魏人水經注河水篇徐水東南逕子夏陵北東入河河水又南逕子夏石室又南過汾陰縣西是與家語顯不合矣夫子夏退老西河之上猶來曾子三罪之責投杖而拜則兩賢相見可知豈曾子亦遠遊秦晉耶春秋時並無魏國子夏爲魏文侯師時已百數十歲老遊於彼死而葬焉固未可知其實所居西河並非龍門西河之西河蓋周定王五年後大河東移其故瀆亦名西河潞縣志有云河瀆在西十里亦曰西河宋李垂上導河形勢書有云請自汲郡東推禹故道復西河故蹟不但此也戰國時魏西門豹爲西河守卽漢之鄴縣卽以魏論亦不徒其西境有西河矣家語既稱子夏爲衛人則所居西河在此不在彼明甚後人徒知魏西境有西河衛魏音同子夏又適爲文侯師遂附會於彼耳縣西南正西河故道所逕南接大名開州皆古衛地窮僻鄉村更無好事者爲之附會夫子故里其在茲乎曹州志下堽村有子夏墓

漢冀州魏郡館陶縣及清河郡貝邱縣地

西境館陶地今治以東貝邱地東西之間

當有清澗縣地

後漢因之魏於館陶置陽平郡黃初六年爲縣王國太

和六年復故

王霖進封東海王

或曰石勒徙陽平郡治此

水經注清淇水又北逕喬亭城西東去館陶縣故城十五里  
卽春秋所謂冠氏也按舊以縣西南三十五里南館陶鎮爲  
漢縣城考元和志屯氏河在館陶西二里與水經注屯氏河  
逕館陶縣東之說不合魏志館陶有館陶城是後魏已非漢  
治唐治當是後魏縣卽南館陶漢治似尙在其西也俟再考  
據水經注清淵故城當在清淇故道東南平恩故城之東臨  
清故城西南縣西十里馬頭村之西北七八里有古城俗曰  
清陽城縣志以爲漢光武追銅馬賊處彼乃清河清陽縣府  
志已辨其誤余會目驗其地卽清淵故城也蓋邱縣之東漳  
河卽清淇故道自平恩故城東東逕此城西臨清故城在此

城東北則清陽卽清淵音轉陽淵本同母字也惜無別據附  
此備考

魏志陽平郡魏文帝黃初二年分魏置治館陶城水經注亦  
稱館陶爲魏陽平郡治獨元和志云館陶魏屬陽平郡石趙  
移陽平郡理此考三國志云建安十八年分魏郡置東西部  
都尉黃初二年以魏郡東部爲陽平郡不云治館陶未詳孰  
是補三國志及十六國志兩說並用蓋未覺其牴牾耳

晉司州陽平郡館陶縣冀州清河國貝邱縣地

後魏司州陽平郡治館陶縣

南館陶是晉不書郡治者以兩說互異也

郡治縣之館

陶故城

據魏志郡縣不同城

又清河郡貝邱縣地齊因之

齊省貝邱入清河又改爲貝邱

縣境當仍有貝邱地石趙以後縣  
當有臨清縣地清淵未省未敢斷

宇文周毛州治陽平郡治館陶縣大象二年於陽平郡置毛州  
顏師古曰屯音大門反而隋氏誤以爲毛氏河乃置毛州按  
毛州周置見隋志非隋置夫屯氏河名載在古史周人建州  
何至誤讀作毛顏氏世近周隋必其時實有是稱元和志亦  
有作屯州者或後人追改之

隋魏州館陶縣開皇初廢陽平郡大業二年廢毛州來屬又

貝邱州清淵縣地隋復置貝邱  
省入清淵也

唐河北道魏州館陶縣永濟縣武德二年復置毛州周隋唐初  
州郡治或

治漢城仍魏舊或與貞觀元年州廢來屬大厯七年析臨清置  
縣同治皆不可考



永濟縣

本古貝邱縣地隋入海淵唐清水入冠氏北境析入臨清

屬貝州天祐三年來屬五

代周永濟屬大名府

永濟縣卽今縣治元和志貝州永濟縣東北至州百一十里

本漢貝邱縣地臨清之南偏大厯七年田承嗣奏於張橋行

市置

寰宇記稱張橋店

西臨

字今本訛井據寰宇記改

永濟渠故以爲名永濟渠

在縣西郭內按唐臨清在今臨清州西三十五里東北至貝

州六十里永濟縣至州百一十里則至臨清縣五十里今治

在臨清故城南偏西五十里永濟渠卽今衛河在西門外五

里

水道稍西去

府舊志云館陶縣大厯中改名永濟新志駁之固

是抑知今治本永濟故址此誤說正其確證近志係永濟故

城於臨清從無知其所在者詎知卽今館陶縣治乎

宋河北東路大名府魏郡館陶縣及臨清縣地熙寧五年省永濟縣入臨清爲鎮

金大名路大名府館陶縣

金館陶縣卽唐永濟縣故城近志稱五代時徙今治考元豐九城志館陶京北四十五里而臨清有永濟鎮是宋猶在舊治也金志館陶有館陶鎮而臨清無永濟鎮金徙今治無疑矣 續通考臨清州下唐析置永濟縣宋初省入臨清後廢爲鎮尋復置按旣云省入不得又云後廢爲鎮永濟復置宋金志不載俟考

元直隸都省山東濮州館陶縣初屬東平路至元五年屬  
明山東布政司東昌府臨清州館陶縣洪武二年屬東昌府三  
年省尋復宏治二年屬

國朝山東布政司東昌府館陶縣

縣志

高唐州

周齊莒邑

春秋昭公三年左傳齊侯田於莒杜注齊東境邑又十年傳  
陳桓子盡致其邑於公而請老於莒又云公與桓子莒之旁  
邑辭穆孟姬爲之請高唐陳氏始大按此莒古無考及者魏

志零縣有莒城東近高唐故城石晉時改縣名齊城蓋其時猶有知爲齊莒城者杜氏以爲齊東境邑或齊侯所田別一地歟此城卽高齊高唐縣

漢冀州清河郡靈縣後漢初自永元九年復魏晉因之

靈縣故城在南三十里今南鎮

九城志之南劉鎮也通鑑周安王二十四年韓魏趙伐

齊至靈邱胡三省曰史記正義云靈邱河東蔚州縣今按蔚州之靈邱此時齊竟安能至代北耶此卽孟子謂蚺澶解靈邱請士師之地班志曰齊地北有千乘清河以南漢清河郡有靈縣清河北接趙魏之竟此爲近之按四書釋地以胡氏說爲臆度余謂靈縣正齊邊地又與趙魏接臆度而合固無害也紀要齊靈邱在滕縣尤無根據

後魏濟州南清河郡治零縣

靈縣魏志作零

郡治縣之莒城普泰中分

平原郡置

魏志誤作晉泰寧

高齊郡縣皆廢天保七年移高唐縣來治

廢郡城

齊高唐當屬洛州清河郡

周屬毛州

唐書樂通爲毛州高唐令未詳屬何郡

後魏南清河郡故城卽高齊高唐縣故城在東南 里魏志

南清河郡治莒城隋志高唐下云後魏置南清河郡後齊郡

廢知隋高唐縣卽莒城交元和志章邱下云齊天保七年自

高唐故城徙此考隋初而高唐並置是齊高唐並未自故城

徙彼據三齊記劉宋僑高唐卽隋之章邱

詳章邱

則元和志云

云乃高唐自故城徙莒城李氏混入僑縣耳胡三省曰唐博

州高唐縣漢靈縣地最當而徙治何代從無考及者

隋

貝州清河郡

高唐縣開皇六年復置靈縣大業初省入博平

唐河北道博

平郡

高唐縣武德四年復置靈縣

茲據舊唐志新唐志作靈泉

四年省入博平

貞觀中省博平其地析入聊城高唐博平雖復靈縣故城遂迄今隸高唐

長壽二年

改高唐曰崇武神龍元年復故五代梁改曰魚邱

寰宇記作重邱續通考作

魚邱今有魚邱驛

唐復故晉改曰齊城漢復故周因之

宋河北東路博平

州郡高唐縣

金山東西路博州高唐縣

元和志高唐縣西南至州百二十里黃河在東四十五里

宇記故靈城在今縣西二十里按唐博州在今府東北二十

里今州至府百一十里比唐時遠二十里反近十里不合一

東至黃河故道

趙牛岔河

六十許里不合二視故靈城在南不在

西不合三今治非唐故治卽非莒城明矣石晉改縣名齊城

而齊城鎮在州東南 里其地西南至唐博州視故靈城

東去黃河故道方向里數無不合卽古莒城無疑元豐九域

志高唐至州百一十里與今同其時州卽今府治如仍治莒

城無反近十里之理金志高唐有齊城鎮則徙今治其在宋

元豐前石晉後乎

寰宇記大河故瀆在高唐東十七里今夾濰河卽河故瀆今治至彼與此合寰宇記

本雜集諸書而成一縣之下或據故治或據當時往往並見當分別觀之九域志無齊城鎮宋或

未立此鎮不足疑也 齊乘以今高唐爲漢高唐縣非古邑

府志謂今州卽漢縣亦卽古邑皆謬

齊乘凡非元濟南益都般陽所屬皆謂之齊邑

外屬高唐其一也考證曰古高唐城在禹城南五十里禹城西南境與高唐州接亦齊展所至不必以其非古高唐而外

之按此非于氏本意

元直隸都省山東高唐州治高唐縣初縣屬東平路至元七年於縣置高唐州

明山東布政司東昌府高唐州洪武初廢高唐縣其地直隸高唐州

國朝因之雍正八年直隸布政司十二年復故

州志

道光十年修  
知州徐宗幹

沿革齊高唐邑漢迄後魏高唐縣誤

內有南宋混  
實土於僑縣

隋冀州部清河郡高唐縣又云博州開皇十

六年置統縣三高唐聊城堂邑清河郡統縣九高唐武城

平原臨清清平鄒清泉博平茌平按隋聊城堂邑屬武陽

郡高唐屬清河郡博州置而旋廢乃與清河郡並書誤一



清河郡不止九縣誤二既云高唐屬博州又云屬清河誤  
三隋博州領縣古無明文杜撰云云誤四既屬冀州部又  
書博州誤五 元至元七年升州領縣三恩夏津武城按  
元州治高唐縣何反不書元恩州並非縣

### 恩縣

漢冀州清河郡繹幕縣東陽縣

繹幕縣故城在東北 里寰宇記平原縣繹幕故城在西北

二十里

引郡國志云殷王  
祖乙時置驛於此

據水經注當在大河故瀆之西今

縣東南至平原縣治僅二十五里縣東馬頰河卽大河故瀆

與平原分水繹幕城當在河西今治東北

續山東考古錄

卷之五

恩縣

三 蝸角尖廬

東陽縣故城在西六十里俗曰高黎郭據水經注東陽故城

在屯別枝津之北東武城故城東北三十里寰宇記歷亭縣

東陽故城在縣西十七里按此城在縣境或武城境無的據

姑係此備考

春秋襄公二十三年齊伐晉趙勝帥東陽之師以追之杜注東陽晉之山東魏郡廣平以北昭

二十二年荀吳畧東陽杜注晉之山東邑按此邑字當作地其時東陽無邑也

後漢冀州清河國繹幕縣及東武城縣地郁縣地魏晉因之

水經注引應劭曰東武城東北三十里有陽鄉故縣也是省

入東武城也

其東境析入廣川縣

而元和志寰宇記並云後漢省東陽

縣其地屬鄒縣蓋指唐宋歷亭縣治所言

後魏冀州安德郡繹幕縣長樂郡索盧縣地司州清河郡武城

縣地濟州南清河郡鄒縣地真君三年省繹幕入武城太和二

十一年復齊省繹幕縣

鄒縣索盧齊皆省

周因之

晉分廣川縣置索盧縣

索盧水名今武城西之黃路河

今縣境無其地後魏

神瑞二年併入廣川太和二十二年復其城南徙在直隸故

城縣境縣之漳南鎮其南境也

寰宇記稱後魏始置且在太和十八年皆不合

高齊繹幕等三縣皆省武城已徙於漢信成城縣境在齊周

當爲平原

東境繹幕鄒省入平原

武城棗強地

西北境盧省入棗強

寰宇記稱

厯亭縣自後魏及高齊其地屬鄒高齊省鄒入平原隋志有

明文未見耶 舊唐志漳南縣漢東陽縣後魏省誤

隋

貝州清河郡

厯亭縣及漳南縣地開皇十六年析武城置厯亭縣

續山東考古錄

卷之五

恩縣

古 蝸角尖廬

開皇六年析棗強置東陽縣十八年改名漳南

厯亭縣故城在西南

里寰宇記地理志厯縣屬信都國

在修縣界隋開皇十六年於今縣東南永濟渠南置厯亭縣  
迺取漢厯縣爲名按隋縣在舊治東南當在今縣西南但其  
地非永濟渠所至疑亦在舊治西南傳寫訛也 舊唐志稱  
隋分鄒縣置考縣與鄒同年置隋志分武城置此誤

寰宇記隋開皇六年分棗強於今漳南縣東北二十二里置  
東陽縣按元初升厯亭故城鎮爲故城縣卽隋漳南故城

舊唐志漳南縣隋分棗強清平二縣地復置於古東陽城按  
隋清平不能及縣境亦非古東陽城

隋復置繹幕據德州志別有隋城其縣後省入安德似非漢

治亦未詳復置後今縣有其地否故不書

不書有平原地亦因此

唐河北道

貝州清河郡

唐歷亭縣漳南縣及

安德州

平原縣地武德六

年徙貝州來治歷亭七年移漳南縣來治八年州還治清河五代因之

唐歷亭縣故城在西四十里續通典歷亭縣唐萬歲登封元

年移就盤河置

一統志作龍盤河

按府志未見此文以唐縣與隋縣

混爲一而與宋縣分爲二蓋寰宇記但云後以其地下溼鹹

鹵移就盤河置在古歷亭西七十里未載移治之年誤之也

武德六年移貝州治歷亭仍是隋縣府志係隋縣後則是

唐漳南縣故城在西北五十里今漳南鎮寰宇記漳南縣唐

武德七年移於今理府志據元和志皇朝因之一語亦與隋

縣混爲一

元和志永濟渠在漳南縣東五十里亦據隋縣言

宋河北東路

恩州清河郡

歷亭縣至和二年

據宋志通考作元年

省漳南縣入

之爲鎮又

安德州郡

平原縣地

府志唐天寶間省漳南入歷亭未知所據今從宋志

金大名路大名府恩州治歷亭縣又山東西路德州平原縣地

元直隸都省山東恩州至元二年廢歷亭縣其地直隸恩州屬

東平路七年析隸省部元初析置故城縣

明山東布政司東昌府高唐州恩縣洪武二年降州爲縣

明恩縣卽今治洪武七年徙本許官店

國朝山東布政司東昌府恩縣

縣志

明萬曆己亥年修  
國朝雍正元年續

知縣

孫陳學海

沿革宋以前皆貝州

沿革與縣無涉

漢至後魏不書何縣齊周書貝邱

齊貝邱卽

漢曆縣後魏清河未必及縣境

隋唐但書厯亭無漳南皆不合

北齊移

郡治於陽平之武城按齊移清河郡於漢信成城移武城

倚郭何嘗移郡治陽平武城耶

臨清志亦  
有此誤

隋志清河郡

改曰清河縣置貝州按隋初廢郡存州非改郡爲縣貝州

周置

東昌府補遺

聊城縣

路史聊莒卽墨皆齊東界按聊爲齊極西邑此甚誤

魏書路恃慶傳路思令拜陽平太守又割冀州之清河相州之

陽平齊當作濟州之平原汲古閣本平字誤出清河之上以爲南冀州以思令爲

刺史按地形志不載南冀州所統屬蓋統此三郡也

堂邑縣

路史清非一一在鄆漢封空中同者或謂少昊國注云衛地在東阿東北一在濮注云清邱魯地一在并解注云宣十二年赤狄伐晉清者一在故樂平按樂平卽清所改亦卽空中同所封



清邱衛地

茌平縣

晉書謝元傳遣濟北太守丁匡據碻磝是東晉時碻磝城已爲  
濟北郡治也 補東晉志濟北郡領縣可考者二盧縣下云有  
碻磝按碻磝本漢茌平縣城劉宋時尚未於此立盧縣東晉時  
正難定爲何縣地

宋史夏侯嶠傳高祖秀爲濟州鉅野鎮遊奕使因家焉父浦梁  
開平中以明經至棣州錄事按夏侯秀乃浦之曾祖當爲唐代  
人寰宇記稱唐大厯中復置濟州唐末又廢定有所本而唐志  
失載也但鉅野初不屬濟州或復置濟川鉅野屬之歟舊五代

史唐莊宗紀滅梁濟州刺史孟瑆上章請死詔原之則濟州當是後唐廢非唐末廢也或曰復置卽治鉅野後唐廢後周復置仍其舊耳備考

清平縣

府志清平縣後唐省爲清平鎮宋復置未詳所本

館陶縣

唐書劉黑闥傳皇太子齊王悉兵戰館陶黑闥大敗引軍走躡北至毛州按隋志毛州置於館陶據此傳似州縣非一城或周置毛州與陽平郡同治館陶故城縣城則後魏所徙也 又魏徵傳云魏州曲城人而宰相世系表云館陶魏氏出漢兗州刺

史衡曾孫珉始居館陶珉孫彥後魏光州長史徵卽彥之曾孫然則徵是館陶人館陶唐屬魏州曲城乃後魏光州東萊郡屬唐時無此縣或彥之後有居曲城者因而致誤歟

金史食貨志鹽法篇大定二十八年置巡捕使其一在永濟縣據此是永濟會復置續通考定有所本館陶徙治在世宗後矣

### 高唐州

魏書房亮傳普太中濟州刺史張瓊表所部置南清河郡仍請房悅爲太守可證地形志晉泰寧之誤

北齊書循吏傳蘇瓊爲南清河太守零陵縣民魏雙成失牛云云按陵字衍

州有唐高唐知州陳公去思碑

文爲前明東昌知府某磨去

刻東昌府界數字僅存碑額考

唐元始置州山左金石志疑

爲藩鎮僭據者所立然知州之

始於宋唐無此稱也惜原文

不可考矣

州城東南有石碣題曰東方朔

里此等附會殆不可以理解

者